

وارياسيون ئوردەك

شاننامە

نۆسەر: دەيفيد مەمت

وەرگىران: نەسرین باباخانى

ناسنامەى پرتووك nasnamey pirtuk

- ناو پرتووك : وارياسيون ئوردهك
- نۆسه ر : ده يقيد مه مت
- وه رگيران : نه سرين باباخانى
- ويراشته ر : س. جه هانفهرد «ژيار»
- چاپه مه نى : نه نستيتو شه فه ق، وه شيوه ي ئلكترونيكي

ناونيشان ئلكترونيكي: www.shafaaq.com

n.babakhani@gmail.com

پيشه کيک له سر نه مایشنامہ ی پوسٲ مدرن، ده یقید مهٲٲ، و
واریاسیونه یل نوردہک

سہرہ تائی دهہ ی ہفتاد (۱۹۷۰S) جمشٲی ک وہ پوسٲ مدرن
ناسیانیہ و بٲ، له نٲاٲر نأمریکا جی وا کرد. نٲلہٲ نئی جمشٲہ
بیٲ مهٲر وہ نہ مایشہ یل دهہ ی شہس و کارہ یل برٲلوت برشٲ^۱
نہ بٲنہ (saddik, ۱۲۹). تاییہٲ مہندی نہ مایشنامہ یل پوسٲ
مدرن توانیٰ لہ یوا کوٲر بٲشہ ییٲ: راویہ یل پل پل لہ (تیکہ
تیکہ)، کہ سایہ تیہ یل ساختار شکن ک دمیننہ و ہیلکان
خہ مہ شہ و بازی، دیالوگہ یل پل خش و پلآ، ناسنامہ چن لووہس و
کہ سایہ تیہ گان ماسکہ یلنگ دپریٲن ک سنور ناو درووکانی و

راسکاني ديار نييه . نه مایش نوسه ییل پوست مودرن واقئیه ت
 ئوبژکتیو جینشین هه قیقته سوبژکتیو دکهن و جاروه ختیگ
 ئلمانه ییل رئالیسم کوانه وه گهرد باوه ته ییل کومه لایه تی و سیاسی
 نووا هامیته دکهن . له بان فورم، زوان و ناوه پوک کار دکهن، گووای
 فره تر کارییان ها بان سه هنه (saddik, ۱۳۰).

سه هنه نه مایشنامه ییل پوست مودرن جوورئ چنییه یی ک وه ره و
 مینیمال دچوود و کارگه ردانه ییل تئاتر پوست مودرن ته قه لا دکهن
 په رده له مانای چهن لووه یی نه مایش لابه ون (۱۳۰). وه هه ر هال
 چشتی ک ئی نه مایشه یله تیا هاوبه شن ئیه سه ک توان ناسنامه یی
 نمایشی ناو خواهیان رق بکه ن و لووه ییل ناو بازی و راسی لابه ون،
 تا دلئیائی وه راسگانی بون بووه نه ژیر پرسیار.

دووان نمونه یی خاس له نه مایشنامه نوسه ییل پوست مودرن ک له
 دهه یی ۱۹۷۰ و ۱۹۸۰ تئاتر ئامریکا دره وشیا نه، ده یقید مه مت^۲
 و ۲. سه م شپرد^۳ ن.

سه م شپرد له ناو کاره گانی، جوور منال زینئ وه چال^۴ و دگان
 جنایه ت^۵، وه رته سکیه ییل ناو نه قش بازی کردن و وجود ئایه م،

^۲ - David Mamet

^۳ - Sam Shepard

^۴ - Buried Child

^۵ - The Tooth of Crime

و: نه سرين باباخانی _____ ۷

وه رپوه بردن و راسی له ناو لاهوئې و هامپته يان دكهی جوورې ك
كه سايه تيهيل نه مايشنامگان ته قه لا دكهن ك يهئ ناسنامهئ
سه قامداريگ ئړا خوه يان بوننه و، راسی سه قامداريگ ك له ناو
جهان بيسه قام پوست مودرن ناخره يل سه دهئ بيسم گوما بيه و
له هوره و چپيه (۱۳۰).

ده يقيد مه مت جور سه م شپرد، "خون ئامريكايي" ^۱ وه جوور يهئ
كالای ئړا سه ندن و فروتن له ناو سيستم كه پيتاليسم وه ته سویر
دكيشئ. مهن دن وه ئامريكا، چه له ناو جهنگه يل شاری مه مت و چه
له بياوان روژناوای شپرد، به ساو وه ئيه سه ك يهئ كه سيگ بتوانئ
جوور يگ نه قش بازی بكه ي ك له جهان راسكاني بمينيئ، ره سين
وه خون ئامريكايي ته نيا وه ختيگه ك بتوانئ وه ناو ئي سيستم
كه پيتالسته پيروز بوود. به ره مه يل مه مت جوورې گلن گري گلن
راس ^۲ (۱۹۸۳) و بووفالوی ئامريكاي ^۳ (۱۹۷۶) وه خاره ت كيشاين
ناسنامه وه ده س كاپيتاليسم نيشان ددهن (۱۳۹)

American Dream – ^۱

Glengarry Glen Ross – ^۲

American Buffalo – ^۳

شيواز تايبه تي مه مت ك وه "قسه يل مه مت"^۹ ناسيايه، له ئه و دواي نوسره يل پووست مودرنه جياوازي كرديه. ئي نوستاد بي ئله و بله ي ديالوگه، هر ئه و جووري ك رخنه گره يل پي نوشن، وه ديالوگه يل برگ برگ، كول و په خش و په لا باره دگريد. "قسه يل مه مت" ديالوگه يل خه لك كل و كوچه و روژانه س. هاوردن نيشانه ي پرسيار [؟]، ئيتاليك (خه ت چه فت)، نوخته چينه يل فره له كاره گاني ره واس. كه سايه تيه ل، ئنگار قسه كردن وه يه ك نيه ن و بيوچان په رنه ناو قسه ي يه كا، فره جار جومله گان پره و نيه ون، ديالوگه گان دچنه ناو يه كا، كه سايه تيه ل ته نيا به شي له و چشتي ك توان بوشن، نوشن، و دواچار ها دس و هر دهنگ ك بايه س خوه ي فكره گاننيان پره و بكه يد.

ژنه فتن خاس ده يفيد مه مت ئرا نوساين ديالوگه لي ئمروزي و كوچه بازار ي له شيكاگو ده سپي كرديه جيي ك مه مت له سال ۱۹۴۷ له وره پيا بيه. دايج و باوگي مناله يل جوله كه ي كوچه بريگ بينه ك ئرا پيا كردن به خته و هري و سه ريه رزي هاتنه سه ئامريكا (Burt ۴۵۷). مه مت كارگردان، فيلمنامه نوس و نه مايشنامه نوس له سال ۱۹۶۹ له كالج گودارد^{۱۰} ليسانس گرتيه.

له شيگاڼو رانه ننگي تاكسي تا كار وه ناو كارخانه ئه زمون كرديته
 ك ئه لبت يانه بوونه پيشينه يگ ئرا نوساين نه مائشه گانئ له
 بارهئ چين كارگره. مه مت له سال ١٩٨٣ وه هوكار نوساينئ گلن
 گري گلن راس جايزه ي پوليتزر^{١١} برديه سهو. (Britannica)
 وارياسيونه يل ئورده ك^{١٢} كه له سال ١٩٧٢ چاپ بيه، له بارهئ
 دووان پيا جوله كه س ك له بان نيمكه ت پاركيگ دانيشتنه و له
 بارهئ ئورده يل يگ قسه دكهن ك هوقچ پسپووريگ لييان نه يرن و
 هوقچ نيه زانن و هه نه ك نه مائشه گه هه ر ها ئيره. دووان كه سايه تي
 ئئ نه مائشه يانئ جورج و ئميل، هه ر وهخت توان باسيان
 هه له وگه ردنن هه م دوجاره تيه نه سه ر باس ئورده كه يل ك وه ناو
 چه م پسا مه له دكهن. وه ختئ له بارهئ كووچبه ري ئورده كه يل
 قسه دكهن و ئورده ك ري به ر و ئورده كي ك پاش ري به ر جين شيني يه،
 ئامازه يگ وه خوه يانه ك چه وه پري مردن خوه يانن و لانه ماي تره ك
 ك تئد و جيان دگري. گوواي هه ميشه له بارهئ مردن ئورده كه يل
 قسه دكهن و هوقچ وهخت ئامازه راسا يراسيگ وه مه رگ خوه يان ك
 فره تر فكريان داگرديته نيه كه ن. وه راسي ديالوگه يل ئئ دووان پيا
 ته نيا ك له ليو چه ميگ دانيشتنه و باس پرسيايل ژيان و دووسي و

 Pulitzer Prize-^{١١}

 The Duck Variations -^{١٢}

۱۰ _____ شانۆنامه

مېرډن و سروشت دكهن، نه ته نيا ئاماژه يگه وه ژيان ئورده كه يل،
به لکم ئاماژه يگه وه سروشت ئنسان...

سەرچەوہ گان:

Bloom, Harold. *Dramatists and Dramas*.
Checkmark Books, ۲۰۰۷.

Burt, Daniel s. *The Drama* ۱۰۰. Checkmark
Books, ۲۰۰۸.

Saddik, Annette J. *Contemporary American
Drama*, ۲۰۰۷.

David ap Gruffudd." Encyclopædia
Britannica. Encyclopaedia Britannica
Ultimate Reference Suite.

Chicago: Encyclopædia Britannica, ۲۰۱۰.

Gordon, Mel. "David Mamet." Microsoft®
Student ۲۰۰۸ [DVD]. Redmond, WA:
Microsoft Corporation, ۲۰۰۷.

سەھنە:

پارکى له لۆرودخانەيگ له بيگ سیتی^{۱۳}. نیمه پروانینگ نزيك ئەيد
پاک^{۱۴}.

کەسايەتییەیل:

ئەمیل وارس^{۱۵} و جورج ئس. ئارونوویتز^{۱۶}. دو پيائى ريش چەرمى
جنتلمەنن ك هانە شەس سالانى.

نەمايش فرە ئاسانگە.

دو کوراسيون تەنيا يەئى نيمکەت پارک ديري و توەنى يەئى گلە
گە نالدانى تووريش له تى بوو.

Big City^{۱۳}

Easter^{۱۴}

Emil Varec^{۱۵}

George S. Aronovitz^{۱۶}

هونه رپیشه گان توهنن ته سادف له بان ئه و نیمکه ته دانیشتون و
 یه ک بونن، یا ئیه ک وه گهر د یه کا بانه ئه وره، یا جیا جیا بان و له
 ئه وره دانیشتن و یه کا بگرن.

هر به شیگ یا جوله یگ و ئه توارینگ وه مهیل هونه ر پیشه گان یا
 کارگردان به ساو دپړید. له ناوه ین هر واریاسیون، بایه س یه
 ئانتراکت بچک بوود ک بازیگه رهیل بتوهنن وچانیگ بدهن و
 خواهیان ئرای واریاسیون نوو ئاماده بکن. ئی ئانتراکته دمینه ده
 هیمه ی ناوه ین موومانه یل موسیقی.

واریاسیونہیل ئوردہك

واریاسیون یه کم: ره نگینه، پارک ره نگیینگه

واریاسیون دووم: ژیان ئوردہك

واریاسیون سییم: ئوردہك ییل ته ۆله یش گرن

واریاسیون چوارم: ئوردہك ییل نیه میننه ئیمه ییل

واریاسیون په نجم: زانی من چه خوه نیمه؟

واریاسیون شه ششم: ئیه دی چ جوور جه هانیگه؟

واریاسیون هه فتم: ئه ری، له فره باوه ته ییل

واریاسیون هه ییشتم: ئاخخ، نیه زانم

واریاسیون نووم: له باخ واش ئوردہك گرن

واریاسیون ده هم: خجاله ت ئاوه ره

واریاسیون یانره هم: زانی، وه هورم تی؟

واریاسیون دوانزه هوم: هه ر وهخت له باره یی چشته ییل واشی ك

باله و گرن فكر كه م

واریاسیون سینزه م: زگیان پر كه ن

واریاسیون چوارده هم: چهن سه ده وه رجه ئیسه

واریاسیون یه کم
ره نگینه، پارک ره نگینیگه

ئمیل: ره نگینه.

جورج: پارک ره نگینیگه.

ئمیل: له هورد چی.

جورج: ... وه هورد تی.

ئمیل: نیه زانم ...

جورج: چه توای بزانی؟ نه وه قایقیگه!

ئمیل: زق نیه؟

جورج: له یوا فکر که م ... ئرا یه گ نه وه سه ها نه وره.

ئمیل: دیرم فکر که م نه وره سه رده؟

جورج: ٺه وره، ٺيڙه، جوور ٺيمروڙه. ٺيمرو چٽونه، هر له ٺياسه
دي.

ٺميل: گووايٰ قايقه گه ديڙي چوود ...

جورج: وهي باوه ته ڪ چه ٺيگ قايقه گه تون بچوود سهر دتره.

ٺميل: ٺاو وه زهق سهر دتره.

جورج: له باوه ت ٺاو سهر دتره.

ٺميل: ده مائي بان قايقه گه وه گهر د ده مائي بان يهي ٺيمڪه ت
جياوازه.

جورج: هاتي ٺهوانه ڙاڪه ت ڪردونه وهر.

ٺميل: له يهي ڪه س فره ترن؟

جورج: بووسيه تا هم بانه ٺي ده وروه ريله.

ٺميل: چينه سه ڪوره؟

جورج: ٺه وره پشت ٺسڪله، ڪوره توهنن بچن؟

ٺميل: نيه توهنن فره دور بچن... قايق گرانه.

جورج: ٺرايان هميه ت ديڙي؟

ٺميل: نه.

جورج: هه گ پول ٺرا يهي قايق ديڙن، خو وه ته من ده ره قه تي

تيهن.

ٺميل: هه رزان نيه.

جورج: من وه ته هه س؟

ئمیل: تايه س يه ئى قايق بوقچکيش؟

جورج: زانم هه رزان نييه .

ئمیل: تهنانهت قايق فره بوقچکيش گرانه .

جورج: تايه س چه ن به رايبه ر قايق بوقچکيش گرانتره .

ئمیل: ئاخ .

جورج: به ساو وه ...

ئمیل: ئمممم .

جورج: وه فاکتوره يل فره يگ ديئى .

ئمیل: ... وه ئه نازه ئى قايق ...

جورج: ئه رى .

ئمیل: ... موتورى .

جورج: ئه رى . ئه نازه ئى موتوره گه ئى .

ئمیل: ديوز، ئه رى ديوز .

جورج: تون و تافى موتوره گه ئى .

ئمیل: فاکتوره يل فره يگ .

جورج: هوچکام له ئه وانه هه رزان نيين . گشت ئى چشته يله

پيچيده س .

ئمیل: ماشينه يل .

جورج: قايقه يل، ماشينه يل ... فپروکه يل ئه رتش . ئيانه هوچکاميان

هه رزان نيين .

ئمیل: قه واخیان.

جورج: (تماشا دکه ئی) دوان ئایم ها ناو قایقه گه.

ئمیل: هه ر ئه و قایقه سه؟

جورج: مه گه ر تو ئیمرۆژ چه ن گله قایق دیده؟

ئمیل: منیش هه ر ئیه پرسیم.

جورج: یه ئی گله.

ئمیل: (تماشا دکه ئی) یه ئی قایق تره ک!

جورج: یه ک، دوو...

ئمیل: که یه شتی باده وانی راسکانیش ها ئه و ره.

جورج: کووره؟

ئمیل: بنووره پی دیده ئی؟

جورج: ئه وه؟

ئمیل: دی چه؟ بچوو، خوه یشکه^{۱۷}!

جورج: ئه وه؟

ئمیل: چمانینگ گوله ته قنی.

جورج: ئه وه ئاو پومپاژ که ئی.

ئمیل: : ئه وه؟

جورج: ئه ری.

^{۱۷} ئاماژه وه قایقیگ ک له مه تن ئنگلیسی مایه س

و: نه سرين باباخانی

ئمیل: ئه وه؟

جورج: ئه رى.

ئمیل: ئاو پومپاژ كه ئى؟

جورج: ئه رى.

ئمیل: ... تماشا شناوهره گه ئى بكه.

جورج: ئممم.

ئمیل: بنووره پييه و ... هه ر له وره وساس.

جورج: ئممم.

ئمیل: سه ر تا سه ر سال.

جورج: وه گه ردى موافقم.

ئمیل: چ ژيانىگ.

جورج: ئورده كه گان!

ئمیل: هانه كووره؟

جورج: جيىگ ك دىرم ئاماژه كه م.

ئمیل: ئه ها.

جورج: نيشانه ئى هاتن وه هاره.

ئمیل: پايزيش.

جورج: ئه هاهاها.

ئمیل: ... دۆنیده ئيان...

جورج: ئه رى.

ئمیل: چن وەرەو شەمال.

جورج: ئا.

ئمیل: تیه نه و ...

جورج: ئممم.

ئمیل: ژیین ...

جورج: چن ...

ئمیل: ئەهاهاها.

جورج: ئورده که یل خوه شیان تی بچن ...

ئمیل: ... ئەری؟

جورج: جییگ ک ره نگینه ...

ئمیل: ئیییی؟

جورج: له ئەو وەختە!

ئمیل: ئەلبەت.

جورج: درس بینه ک بچن. چشتیگ وه دەرۆنیان پییان ئۆشی هوا

دیری سەرده و بوود ... یه ئی تووزە فرە تر زوقومه ...

ئمیل: ئەوانیش جوور ئایه مه یل خوه شیانه سه رما نیه تی.

جورج: ئەوه سه دیرن چن.

ئمیل: دیرن چن.

جورج: جوور وه ختی هوا گه رمه.

ئمیل: تیه نه و.

جورج: يه ئى رښه ر ډيرن. يه ئى ئورده ك رښه ر. ئه وه ده س كه يده
پى ... ئورده كيگه. گوواى وه گه رد گه له ميښنه ي. چه ندين جار.
تیه ډو و چوود، رښه گه ډوښنه و. هاتى ئه وه فره تر بايه س گوشه
قولاخ بوود.

ئميل: له ئى وه خته ك ئورده ك نييه، يه ئى ئورده كتر بووده رښه ر.
جورج: ئه لبت. گوواى ئه وه چوود، ژيه ئى، شايه ديش لفيگ پيا
بكه ئى.

ئميل: ئه رى.

جورج: و ئه وه چه وه رښه ... ئورده ك رښه ر ... كى زانى؟
ئميل: مرى.

جورج: يه ئى روژ مرى. گووما بوود...

ئميل: و ئورده كه گان جيوه جى بوون.

جورج: ئيسه ئه وه رښه ره.

ئميل: ئه وه سه ك ئه و ډواى ئورده كه يل وه مالتيگ به ډه مالتيگتر.
گشتيان رښه گه ناسن. ها ناو زاتيان و زانن كه ئى وه خت چينه ...
گوواى ئه وه ... به رپرسه تا زه مانى ...

جورج: ئه رى.

ئميل: جوور ئه وه كه ...

جورج: هوچ شهرمى نه ږرى.

ئميل: جوور ئى ئورده ك ډواينه .

جورج: ئنفاقینگ ئپرائی قومید، ئاخره گه ئی ئپرای قومیه ید.

ئمیل: یه ئی وه ختی ره سی ک به یده و لا.

جورج: مرئ.

ئمیل: مرئ، ولئیان که ئی ... و ئورده کیگ تره ک جیی گری و جی

وه جئیان که ئی.

جورج: و یه ئی رووژ.

ئمیل: ئه ری.

جورج: یه ئی که سی جیی گری.

ئمیل: تا وه ختیگ ...

جورج: فکر کردن له باره ئی بیوه لیفه ته.

واریاسیون دووم

" ژیان ئوردهك "

جورج: زانی ژیان ئورده كه بيش گشتی خواهشی نییه. ئەوانیش
دلگرانیهیل خواهیان دین. كه يك و موور و نه خواهشی دیده
گیانیان. واز و وهره (توهم). گیچه لهیل باله و گردن. گیچه لهیل
گه پای. چشتهیل فپه یگ.

ئمیل: ژیان ئاسانیک نییه.

جورج: ته نیا له سه ره تایی ژیانیان. ئوردهك ها ژیر کارگه ری هه ر
چی چشت دهور و وهریه. خوهره تاو. خستن منال. خه راوی هه وا.
ئمیل: ئه ری.

جورج: شکارچیهیل، مافه ته، واهیلان، دام و ته له، هه رچه
فپووکه.

ئمیل: منال لهیل بۆچك قوشمه.

جورج: فروشگایل زه نجیره ی. وه ئەلبهت هواسیل كه و^{۱۸}.

ئمیل: هه واسیل كه و؟

جورج: دژمن قه سايقه س ئورده كه يله .

ئميل: ئه ي؟

جورج: هر ئه و چشته سه پي ئوشن هاوسا بون ئاشتي خوازانه،
هر دگيان ژيانان ئرا ئيه سه ك يه كان خوه شال بكن. هه واسيله يل
خوراكيان ئورده كه و ئورده كه يليش ...

ئميل: راسي؟

جورج: ئورده ك به شينگه له مامله ...

ئميل: بايه س هه واسيله يل بخوه نه ي؟

جورج: بايه س ... زاني ئه پرا گرپنگ له هورم چي، گواي زاني ئي
كه په ئه و جووري ك دياره يه ئلايه نه نييه، سروشت چالاكي و
ته لاش و هونه ر قايم بين داسه ئورده ك، له ي لاوه هه واسيله يل
نه پوو و گه ورا و كه ون جوورپنگ ك له دوره و ديارن. له و لاوه
ئه نازه و تووك گيان ئورده كيش فره ئه پاي خاسه و تقه ني
دهره قه ت ئي چشته يل كه وه باي.

ئميل: وه شيوه ئ مه ليگ دهرتبه ئ.

جورج: نه هه موشه .

ئميل: جهنگ به ينيان فره قه ديميه . ئورده كه يل خوه يان نيشان
دهن هواسيله يل خوه نه يان. هواسيله يل زاوئي كهن و فره وه بوون
فره يگيان له شه كه تي شوون ئورده كه يل مرن. هه ركامييان ئه واكه

کونترول ڪهڙي، گشت تاريخ له ٿيوا بيه سه. تا ٿيڪ يه ٿي پهيوه ندينگ
وه دووسي و نزمهت له به ٿينيان كه فيدهو، ته نانهت له باوش مه رگ.

جورج: ٿي دي ٿرا هر جهنگ دواژه و ڪن؟

ٿميل: ٿرا مه نن خاسترينه گه س. جهنگ بيٿه نجام موهيت و
رزارگه س. يه ٿي جوور زاکانه. چق ٿوقيانوس قه ديميه. ها وجود
گشتمان. ڪي چوراني ٿرا؟

جورج: ڪي؟

ٿميل: ٿيمه نيه زانيم. گوواي هر ٿه قهره زانستنيش فره س. تا بيه
ويه ٿورده ڪ بيه، رووژ و شه و وه گهرد نه خواهشي و هه واسيل
جهنگيه و له روژيگ ٿاسمان وه گهرد بال مه له يل داو ٿه ق
تيره ڪه و بيه، هواسيل وه گوشت ٿورده ڪ جه زن گري.

وارياسيون سېيم

ئورده كەيل مەزرا گرن

ئىمىل: ئورده كەيل مەزرا گرن.

جورج: ئەرى، زانم.

ئىمىل: ئەوانە ئىراي ئەيد پاك و شىكر كردن پەروار بوون.

جورج: مەبەستد بووقە نە ئوردهك.

ئىمىل: ئورده كىش.

جورج: ئەوانە گشتىيان گرن؟ و هانە بەن؟

ئىمىل: ئەرى، وه مەزرا، پەر و باليان هەلپاچن.

جورج: ئاخ.

ئىمىل: ئەرى، ئايەم نىە تۆهنى وه درسكارىان (شرافت) باوهر

بكهئ؟!!

جورج: روژگار گوورپاىه.

ئىمىل: مالوئىرانى... .. پەرورئىيان كەن. نانئىيان دەن، جفتئىيارەيل

يەئى هامىتەيگ دەنە پىيان. زىرات و گەھاس جۆه. دەرزىش دەنە

لئىيان. تا خوہ شالئىيان بکەن.

جورج: و نیه توهنن باله و بگرن.

ئمیل: نه.

جورج: به شهیل نارامییان نابوود بوود.

ئمیل: له رووژ ته نیا کاریان ئیه سه له ناو مه زرایا خر بخوهن و بخوهن.

جورج: ئجازه دیرین یه ک بشکنن؟

ئمیل: ئیمه نیه زانیم.

جورج: ئه ی؟

ئمیل: ته نیا برپگ له جفتیارهیل زانن.

جورج: ئه ی؟

ئمیل: لف گرتن ئورده کهیل گه پ تاکه ئی ئورده ک و لفه گه یه.

جورج: ئه ی؟

ئمیل: تائیسه ته نیا چه ن گله چه رمی پووس دینه سه یان...

ئه وانه یشه ک دینه ... ئه لاجه ویه نیه توان له باره ی قسه بکه ن.

جورج: چشته یلیگ هه س ک ئایه م له باره ی نه زانی خاستره.

ئمیل: ئه گه ر نه زانی، هۆچ جار وادار نیه و د بوشیده یه و.

جورج: وه خاتر هۆچ په تی ده نوکیان هه لئه پاچیاس.

ئمیل: هۆچ وه سه ر هۆچ په تی نییه.

جورج: راس ئوشی.

ئمیل: هه ر چی چشته یه ی مه تله ویگ دیری.

جورج: راسی... .

ئمیل: ھر چشتیگ... .

جورج: ناخ، ئیری.

ئمیل: ... ك ژیهی مه تله وه یگ دیری.

جورج: ئورده کهیل... .

ئمیل: لکه یل ئه ره قکردن... .

جورج: ئا.

ئمیل: ئیمه وه خاتر هوق په تی ئه ره ق نیه کهیم، خود زانی.

جورج: خودم زانم. ھر چی چشت زینیه بایه س ئه ره ق بکه ی.

ئمیل: گشت چشتی مه تله وه یگ دیری.

جورج: گشت چشتی قافییه و هوکاریگ دیری.

ئمیل: ئرا ئه ره ق کهیم دیار نییه.

جورج: ئیری... .

ئمیل: ئه پی... .

جورج: گووای... ئه وه نه.

ئمیل: مه تله و و هوکار. له ی دهوره و زمانه یشه ئیمه پاک و پرچ ھر

چی چشته نیه فامیم.

جورج: هکمن جوور شکار.

ئمیل: کووچ ھر ساله ی ئورده کهیل، لفگرتنییان و وچان داینیان

...

جورج: مه تلّه و.

ئمیل: ئه ره ق...

جورج: مه تلّه و.

ئمیل: ئمکان نه پیرۆ چشتیگ بۆشی و مه تلّه وه یگ له پشستی نه ود.

ته لاشیش نه که. وه ختدیش خراو نه که.

جورج: هه له په له یگ نه یرم.

ئمیل: گشت چشتی وه رق به رنامه س. هه ر ئیسه ک هاید ه ئیره و

دانیشتیسه سه بان ئی نیمکه ته وه رق به رنامه س.

جورج: هه ر له یوا هه ر ئی نیمکه تیشه.

ئمیل: ئیسه دپیری مه نتقی قسه که ی.

جورج: هوکمه ن.

ئمیل: قانون دنیا خوه ییش ئرا خوه یی قانونیگه.

جورج: ئه ری. ئه ری.

ئمیل: به دبه خته و که سیگ ک وه بیوه لیفته ویلّ بوود.

جورج: و له سه ر هوقچ په تی تو نیه توه نی بهه یوای.

ئمیل: و ئه گه ریش ئی کاره بکه ی هکه مه ن مه تلّه وه یگ داشتیه.

جورج: هوقچکه س خاستر له من نیه زانی.

ئمیل: ... خاسه زانی.

واریاسیون چوارم ئورده که یل نیه میننه ئیمه یل

ئمیل: زانی، ئورده که یل نیه میننه ئیمه یل.

جورج: چۆ؟

ئمیل: ئورده که یل خاکه رن.

جورج: فکر که م ئیمه له یوا نیمن؟

ئمیل: له یوا نه وه تم. ئورده که یل وه خستی له دالگ پیا بوون

چشته یلیگ زانن ک ئیمه ئایه مه یل فره دیرتر یای گریم. مه له ... وه

شوون دالگ چین.

جورج: باله و گردن.

ئمیل: نه. فکر نیه که م تا یه ی که م گه وراوه نه ون بتقوه نن باله و

بگرن.

جورج: گووای ئمکانی هه سه.

ئمیل: ئمکانی هه سه، گووای خوول که ی.

جورج: ... وه پاسی وه هورم تی له جییگ خوه نیمه ک ئورده که یل

وه خستی پیا بوون تقوه نن باله و بگرن، یانی توانای دیرن.

ئمیل: من زانم تو خوولّ که ی.

جورج: نه. توه نی له یوا بوود... گووایّ نه.

ئمیل: ئه ری. باوه پرم ئیه سه ک تو خوولّ که ی.

جورج: نه. نیه توام قه سه م بخوه م...

ئمیل: نه.

جورج: گووایّ هلاّیه توه نم قه سه م بخوه م له جییگ خوه نیمه...

ئمیل: ئه ری، منیش هلاّیه دلنّیام ک تو خوولّ که ی.

جورج: یه یّ گه ل که میاب وه ئورده که یل.

ئمیل: نه. هه ر چیّ تائیسه له باره یّ سروشت زانم پیم ئوشن،

بوّشم نه.

جورج: یه یّ گه ل بوچک وه ئورده که یل.

ئمیل: نیه توه نم له یوا فره زبکه م.

جورج: گووایّ من فکر که م...

ئمیل: گه هاس تو هه له خوه نوده یّ...

جورج: گه هاس، گووایّ...

ئمیل: نه، نه، نه. هیّمان هامه سه ر جاو نه. نه.

جورج: ... گه هاس هه له خوه نومه یّ... چ چشتیگه وه هه ر هال.

باله وگردن. له دقای ژیان.

ئمیل: مه له فره یش گن نییه.

جورج: گوواي شيتيگيش ئه گه ر ياي بگري چق مه له بكه ي مه له
كه ي. مه ل ك توه ني باله و بگري.

ئميل: مه لومووريش توه نن باله و بگرن.

جورج: گوواي نه گشتيان.

ئميل: مه لومووره يل... مه له يل... و ... گه هاس خوول بكه م
گوواي...

جورج: خوول كه ي، هوچ چشت تره ك نيه توه ني باله و بگري.

واریاسیون په نجم زانی چه خوه نیمه

جورج: زانی له جیټگ چه خوه نیمه؟

ئمیل: هم ده س نه که پی.

جورج: له باره یی ئستراتوسفر،^{۱۱} وه تاییه ت به شهیل خوارینی، وه

گه رد یه یی ماده ی لیقنی لیقنه و بوود.

ئمیل: ئه ی؟

جورج: هر ئه و جووری ک هه واناسهیل وه تنه.

ئمیل: ئستراتوسفر ئیمه؟

جورج: هنی گشت که سیگ. چونکه ئرا گشت جوور یه که.

ئمیل: ئه ی؟

جورج: چمانیگ یه یی کوچک بقچکیگ فره دهیده ناو ئاو هه وزیگ و

مه وجهیلی بشیونیده یه کا و نه زانی چنه کووره...

ئمیل: ئه ری؟

^{۱۱} - لایه ټگ له ئه تموسفیر.

جورج: له یوا گيچه لینگه .

نمیل: چ جوور ماده ی لینگه؟

جورج: هر چی جووری، کسافهت...

نمیل: ئه ری.

جورج: ماده ی لینگه...

نمیل: خاس نییه .

جورج: ماشین سازی...

نمیل: ئا .

جورج: له هه واوه چشته یل فره یگ له باره ی جه هانینگ ك له تیا

زیه یمن زانن .

نمیل: ئه ری.

جورج: وه خاتر ئیه ك، له فره باوه ته یل... هه وا فره تر له یه ك

بتوایم به شیگ له ی جه هان ئیمه س . كه میگ پی فكر بكه .

نمیل: كه م .

جورج: فزو كه یلینگ ك تیه نه خوار، ئایه م خواه شی تى

بشووریده یان، ته میس چنه بان چركن تیه نه خوار .

نمیل: ئه ری.

جورج: گوواى گیانه وه ره یلى ك هوق ریپگ و هه لوژانینگ نه ییرین

جوور: مه لومووره یل، ئورده كه یل .

نمیل: گلایدره یل (فزو كه ی بیموتور)

جورج: شه رماوهره. بايه س بکوشنه يان.

ئميل: برينگيان کوشريه ن.

جورج: ئه وانه نه بايه س بکوشريه ن، وه پرس ئي بهرنامه بايه س بکوشريه ئي. ئورده که يلي دينه سه وک سه ره تان سوه ديرين. له باره ئي يه ئي شکارچي خواه نيمه ک له ناو دارسان گوله نه يده قه ئي يه ئي ده سه ئورده ک له بان زه وادريژه و بينه ...

ئميل: ئه پري.

جورج: گوميان که ئي. گووئي وه ختي تيده و دهنگ بريني چشتي ژنه ئي و چووده دقواه تا پرس و جوو بکه ئي. دويني پهنج، شه ش ئورده ک گيژ له جي وازنگ له ناو دارسان نيشتنه و پساي ليخه پرويان قنجن.

ئميل: نه!

جورج: قوفن و پژمن. ئاو وه لوتيان داچوورپاس... و باله يليان ده نه يه کا و شايد دووچاره بال ده ن و که فن و قوفن.

ئميل: خواه ش نيه.

جورج: و ئه و شکارچيه وه تيا وه جي ئيه ک ئورده که کان گه رد يه کا ده رچن، گشتيان وه گه رد چه وه يل ئه سرين و دوکه لين له ده ور قول پياگ گرده و بوون و نزیکيه و بوون. فره دلته زن و به زه ي هاره و پياي وه ختي تيده و هيجوهخت نيه ته قه ئي ئه و ديمه نه وه زه يني پاك بکه ئي...

ئىمىل: چە؟

جورج: ئەساس خەرىيەت كەم ئەر بۆشمەي.

ئىمىل: ئپام بۆش.

جورج: ئيەك چماي ئورده كەگان تۈان سىگارېگ گياي بگەن.

ئىمىل: ... مەسخەرەس.

جورج: زانم.

ئىمىل: فكر كەم كەسىگ ناۋدەدە سەر كار.

جورج: ئتمال فەرەس.

ئىمىل: ھەتا نىەتقەنى فكر سىگار كىشايىن ۋە ناۋ جەنگەل بگەي.

جورج: بچوو ۋە شاردارى بۆش و پىيان ئتراز بگە.

واریاسیون شه شم ئیہ دی چ جوور جه هانینگه

جورج: ئیہ دی چ جوور جه هانینگه گ هه تا نیه تو ه نن
خیاوانه گانیش ته میس بیلن.

ئمیل: خواهی خه راو که ره ئی جه هانه.

جورج: تو ئیہ ئوشی.

ئمیل: جه هان بی پرام.

جورج: جه هان پیس. هه ر پسای پیر بووم.

ئمیل: هه چکه س جوانه و نیه ود.

جورج: نووای ئایه م ئرا ته قه لا کردن گری.

ئمیل: نووا چ جوور ته قه لایگ؟

جورج: زانی، ژیان فره له و چشتی ک مه ردم ئوشن ئاسانتره.

ئمیل: چو؟

جورج: ئورده که یل بگره وهر چه وود.

ئمیل: باشه د.

جورج: ژیانئیان چه گریده وهر؟

ئىمىل: خوو... بالە و گردن.

جورج: ئەرى.

ئىمىل: خواردن.

جورج: ئەرى.

ئىمىل: خەفتن.

جورج: ئەرى.

ئىمىل: مەلە كردن.

جورج: ئەرى.

ئىمىل: لف گردن.

جورج: ئەرى.

ئىمىل: و گەھاس خوہى له يەئى ئايەم نەفام ك له سۆر بەيدە
كوشت.

جورج: يا "مەرگ"

ئىمىل: تۆەنيم مردنیش بەشىگ له چالاکى ژيان وه باريمنه و کوو؟

جورج: خوو ئايەم وه سەر هوچ پەتى نيەمرى.

ئىمىل: راس دەى.

جورج: هەر له يوا ك ئورده كيش ئاخري مردنه...

ئىمىل: هەر له يوا ك گشتمان مريم.

جورج: گواڻي جيا وه ٺه و خاله، ٺيان ٺوردهك رهه ته. پييا بوود،
باله و گريي ياي گريي، خوهي، لف پييا كه يي، جوجگ دييري، فره تر
باله و گريي، مريي. يهي ٺيان رهه هت.

ٺميل: خاله گه د چه س؟

جورج: خو، بنووي:

ٺميل: باشه.

جورج: ٺه گه ر ته نيا ٺوردهك بتونستا قسه بگرديا، فكر كه ي وهخت
مردن چه ٺوشي؟

ٺميل: تو اسيا فره تر بٺيه يي.

جورج: راس ده ي. گواڻي په شيماني؟ گوونا باري؟ هسه يل گه نترهك
چه؟ نه. نه. وه گه رد سرووشتا يهي رهنگه.

ٺميل: به شيگ وه سرووشته، ٺوردهك.

جورج: ٺه ري، گواڻي ٺايه ميش به شيگ له سرووشته.

ٺميل: ٺرا خوه د بوش.

جورج: ٺرا خوه م قسه كه م.

ٺميل: سه له باره يي خوه د قسه بكه.

جورج: كي له تو تو است گوش به ي؟

ٺميل: كي له تو تو است قسه بكه ي؟

جورج: ٺرا دلگه راني؟

ٺميل: تو دلگه رانم كردي.

جورج: ئه‌ی؟

ئمیل: له قسه‌یلدا له باره‌ی سروشت و ئورده‌که‌یل و مه‌رگ. قسه‌یل
بیوه‌لیفه‌ت و ویله‌کی. زانی خاسه‌ ئایه‌م فره‌زان بوود، گووای تو

نه‌بایه‌س ئیقره‌ بی‌تامی بکه‌ید

جورج: منیش توام هه‌ر ئی کاره‌ بکه‌م.

واریاسیون هه فتم

ئهری، له فره باوه تهیل

جورج: ئهری، له فره باوه تهیل سروشت دهره وچه چیگه رق وه
جه هان.

ئمیل: سروشت جه هانه.

جورج: نیشانده دهی چق وه ره هه تی نه زهرهیل خاس هه لوژنی و
سللیا بییه.

ئمیل: وه کی گلیه ی که ی؟

جورج: خوو، تو له من گلیه ی که ی.

ئمیل: ئراد هه میهت دیری؟

جورج: خوه شالم وهخت دیریم گووش بیه مه قسه یلد.

ئمیل: ئایه م له ی ژیانه دووسیگ توای.

جورج: له ی ژیانه یا ژیانه یل تر.

ئمیل: تو وه تی. بیدووس ژیان ... چه نه یری؟

جورج: ئهرزש ژیین نه یری؟

ئمیل: نه هیمان ئهرزش ژیین دیری. مه به ستم ئیه سه چه ئهرزش

ژیین دیری ئه گهر ژیان نه ود؟ نه! گووای ژیان بی دووس ...

جورج: ته نياييه.

ئميل: وه پراسى. تو وه تى. دووس داشتن فره خاسه.

جورج: دووس بين فره خاسه.

ئميل: ئايه م دووسىگ داشتوو وه گهرديا قسه بكه ئ فره خاسه.

جورج: قسه كردن وه گهرد دووسا فره خاسه.

ئميل: گليه ئ وه دووسىگ كردن...

جورج: گوش ته كانن فره خاسه...

ئميل: خاسه.

جورج: وه دووسىگ.

ئميل: كه ميگ وه خوسه ئ ژيان كه م كردن...

جورج: هه رچ كاره كه م.

ئميل: خاسه.

جورج: ئرا تو، يا ئراى دووسىگ. چون هاويارى كردن فره خاسه.

ئميل: هاويارى وه دووس بپچاره يگ سواوه ت ديري، و كاريگه هه ر

كه سيگ توئ بكه ئ.

جورج: وه يه فره تر چه توئ.

ئميل: هوچ.

جورج: خاس.

ئميل: ته نيا بين له ئ جه هانه...

جورج: من ك له ئوا نيم.

ئمیل: خاس نیه. ئایه م خوو جه زیره نیه ته نیا بژییهی.

جورج: یا ئرا که سیگتر.

ئمیل: تا هه رایهه ر نیه ته ونی ته نیا بژییهی. وه راسی هوقچکه س تا

هه رایهه ر نیه ژیهی. گووای نیه ته ونی ته نیا بژییهی. هوقچ گیاندارینگ

نیه ته ونی ته نیا بژییهی. گولّه یل، هیچوهخت نیه ته ونی یه ی گول

ته نیا بقنیده و، داره یل، ئورده که یل.

جورج: کاکتوس.

ئمیل: ته نیا ژیهی؟

جورج: خوو کاکتوس ها ناو بیوان. تا چه و کار که ید ته نیا

دقنیده ی.

ئمیل: گووای کاکتوسه یل تر هه ن.

جورج: له و ده وروه یله نین، نه.

ئمیل: چه توای بوشی؟

جورج: ئیه ک کاکتوس وه چه واشه ی هه رچ چشته ک ته نیا

نیه ته ونن بژییه ن، ته نیا گه ورا بوود...

ئمیل: نیه توام بژنه فم.

جورج: گووای راسه، کاکتوس.

ئمیل: نیه توام بژنه فم. ئه گه ر راس نیه وشی، وه ختم ته لّه ف نه که و

ئه گه ر راس ده ی من نیه توام بزائم.

جورج: سابت بییه راسه.

ئمیل: نیه توام بژنه فم چه ئوشی.

جورج: هه تا ئورده که یلیش بری و هخته یل.

ئمیل: (نوورپیده پی)... هتوچ گیانداریک نیه توه نی ته نیایی

بژییه ی.

وارياسيون هه يشتم

"ئاخ خ، نيه زانم"

ئميل: ئاخ خ، نيه زانم.

جورج: ك چه؟

ئميل: زانسي گه پ ها كووره ... بپي وهخته يل فكر كه م پارک

فره تر وه ئيه ك خه ير داشتق شه پ ها پيه و.

جورج: چو؟

ئميل: جاروه ختيگ هاتن و نوورسن وه چه م (ده رياچه) و داره يل و

گيانه وه ره يل و خوهر، و دووجاره هاتنه و، ويلا گه ردین و هاتن و ...

جورج: وه ئاپارتمان ه گه د.

ئميل: بي خواهشي، پززاننه يل سه رد. ئاپارتمان. گه نال. لينولئوم.

وتار.

جورج: پارک راسكانيتره؟

ئميل: پارک؟ ئه ري.

جورج: دانيشتن له بان نيمكه ته گه ي.

ئميل: ئه ري.

جورج: نوورسن وه گيانه وه ره يل ده سي؟

ئىمىل: ك له جه هان واشى گىريانه .

جورج: نوورسن وه چه ميگ ك لوله ئى فازلاوه ؟

ئىمىل: لاکه مه گه ئى ئاوه .

جورج: توای لى بخوهى ؟

ئىمىل: هه ر روژ پسائى لى خوهيم .

جورج: ئا .. دؤاى ئىيه ك پالافته بى و پاكه و بق .

ئىمىل: چه م جوور ئه ودؤاى .

جورج: پرتى گوه .

ئىمىل: خاستر له هقچه .

جورج: هقچ له هقچ خاستر نيه .

ئىمىل:

جورج: گوواى، ئپا خوه شده پارک نيه تى ؟

ئىمىل: هامة مال توهنم بامه پارک، هامة پارک ته نيا جيبيگ توهنم

بچم ماله .

جورج: خاستر له ئيه سه له ناو پارک بخه فى .

ئىمىل: نيه زانم .

جورج: خاستر له ئيه سه له ناو باخ واش بود . له هتورد چييه

کيسه ل چه کيشى ؟

ئىمىل: ئااااا .

جورج: منالہ یلمان هوقچوهخت له زهت نوورپین وه برینگ له
گیانه وهره یل نیه زانن چه س... کاره یلییان.
ئمیل: نیه زانم.

جورج: ئه وانه بایه س بنیشنه مال و ته نیا بزائن چق ماسی سقر
منالہ یل خوهی.

ئمیل: بیلا تا بچنه دهیشت. ناو زهق بازی سروشت.

زه قوی ک زه مان وه هقر بردیه سهی.

مامرئاییه یل وه نه زم.

دهنگ شلوخی هه ر هسار مه زرا.

ئه سپه یل.

دهروازه یل ژهنگ دریای.

تراکتوره یل داریای.

گژ گیای هسک، جقه.

قارچگ.

چاودار.

پراوپر کردن.

ئه وقهره ک ولاته یل جه هان نان بیه ی.

جورج: له لییان پیشوازی که یم. فره یش لات و لوت نه یریمن.

ئمیل: ئه وقهره هه س ک گشتی مانگه یل ئامریکای خوارین لی
بخوهن.

جورج: وه خوه دهو دهر هاوردی؟

ئمیل: ئه‌ری.

جورج: ئافه‌رین شانازییه پید که م.

ئمیل: دهس خوهش.

جورج: "نان داین وه شمار فره‌یگ" ... چه بی؟

ئمیل: ئمم. پر وه بی ناو... تیه ده ناو زه‌ینم.

جورج: هه‌ر وهخت هات پیم بوش.

واریاسیون نوهم له باخوаш ئوردهك گرن

ئمیل: له باخوаш ئوردهك گرن. ئه وانه گرنه یان. چه پی ئۆشی؟...
سه سه وز. ئه وانه سه سه وز گرن و یه ئ چشتیتیر... ناووی چه
بی؟ کالهك.^{۲۰}

جورج: مه نزوورد كه له؟

ئمیل: نه... نه، کالهك نه ق. گووای جور کالهك بی. ئاخ خ خ چه
بی...

جورج: كه ل؟

ئمیل: نه! كه ل مینیدنه كه ل ئلك.^{۲۱} ئه وه ك من ئۆشم جووری
ئوردهكه.

جورج: قاز؟

ئمیل: نه. گووای... مینیدنه کالهك، وه لی کالهك نییه، چه بی.

^{۲۰} - له ییره ئۆسه ره گهرد دو وشه بازی دکه ید. Cantaloupe كه وه

مانای تالبیه و antelope كه یه ئ جور كه له وه جووری دو ته رجمه ی

کالهك و كه ل هاوردمه ك نزيك وه بازی زوانی ئنگلیسی بوود.

elk - ^{۲۱}

جورج: ... كەل بوه خشى گوواي هەر ئيه سه ك ئوشم.

ئميل: نه . بوسيه ! بوسيه . كا ... كا ... كاما ... گرانتال ...

جورج: ئورده ك كانه دايبى؟

ئميل: ئەرى! يەئ چشتى جور ئورده ك ئوشم خودا ها تك زوانم ...

پييان ئوشن ... تەنيا كەلگەئ تىدە هورم . پانتل . پاندل . پاندا ...

كاله كوپ ...

جورج: پاندا نيه گرن .

ئميل: زانم ... پانا ...

جورج: پاندايگ له يەئ باخواش تره ك بى گوواي مرد .

ئميل: ئا . نانا ...

جورج: دووان بين، شايديش سيبان . گوواي گشتيبان نير بين

وهختى مردن ... ئەلبەت مناليش نياشتن ...

ئميل: رانسپان^{۲۲}؟

جورج: ... پانداگان ...

ئميل: ... لوپ ...

جورج: مردن .

ئميل: لوو ... لووپا؟ لوولا ...

جورج: قوونه ق؟

^{۲۲} - له ئيره مانا نه يري تەنيا وشەيل بى مانا ئوشى

و: نه سرين باباخانى _____

ئمیل: نه. گيان خودد. خوهم زانم قوو چهس. پسای هورشه م ها
لاى ئورده كه گان.

جورج: زانم.

ئمیل: كان...

جورج: ئه و پاندايله چشت تره كه ن.

ئمیل: ئا.

جورج: پاندايل قه ق.

ئمیل: ئا.

جورج: چشته يل قه ق.

ئمیل: ديمه له لييان.

جورج: تازهى له لييان نه يده.

ئمیل: نه.

جورج: وه خاتر ئيه ك مردنه.

ئمیل: زانم.

جورج: له روژئاواوه هاتون. له روژه لات دور هاتون. ك گشت

بوئنه يان.

ئمیل: مانتولوپ؟

جورج: رهش و چهرمى.

ئمیل: پالاپوپ...

جورج: گهر ديه كا.

ئمیل: ما ۱۱۱...

جورج: پاندایل گه ورا.

ئمیل: فا ۱۱۱...

جورج: چه نه دووان چيرووك دريژ.

ئمیل: را ۱۱۱؟

جورج: نان داین وه پيیان فره گرانه. نالانجن بڅه فننه یان.

واریاسیون دهم

شهرمه ساریه

نمیل: شهرمه ساریه.

جورج: ئه ی؟

نمیل: بریه یده تی، شهرمه ساریه. نه نگینگ له ی دهوره ئیمه سه. کسافه ت گشت کووره گردیسه وه. هر له ییره تا ئفریقا سووره و چه وه.

جورج: ئه ی؟

نمیل: له بان کشتیه گان له ئوقیانوس کهس هه ق نه یی سیگار بکیشی وه یه ی چه قه ی ئاگرا گشتی ئوقیانوس چووده هه وایا.

جورج: ئه ی؟

نمیل: له جیهیل نه فتدار ئورده کهیل مردی که فنه سه ر ئاواو و تیه نه هشکی. ساهله یل به سیه ن. مه له نیه ود بکه ی. ئاو ده ریا وه گورد جنازه ی گیانه وه ره یل واشی ره قه و بوود. له ئوسترالیا... ماسیه یلی دینه سه وک له بی خوهری نزیکه کوور بوون. برینگیان کامله و بونه. هقچینگ بیجگه مه له یل مردی نیه خوهن.

جورج: ئه ی؟

نمیل: پشی ماسی.

جورج: ... فكر كه م چىشتى ترهك بوود.

ئمىل: نه دى. توكا. ئوردهك دى نه. جى جاق كهو. كاردينال.

دوايىن(ئاخرىن) مالىيان كردنه سه ئوقيانوس مردى.

جورج: وهختى جوان بىم...

ئمىل: مردى كه فنه سه ر ئاو و تيه نه هشىكى.

جورج: نزيك مالمان...

ئمىل: سوه يان جوور شلنگ ته ر گازووئىليه. ئرا چىشتى خاستره كى

درس بينه.

جورج: بهاران هووكاره بومن...

ئمىل: هه تا گه لاييه يل نيه توه نن پايزان بسزيه ن. بايه س وه گهر د

پلاسيكا بپوشنيمه يان. ئمجا بايه س هه ر گه لا وه ته نييى بپچنيم.

يه ئى پاكه ت بچك ئرا هه ر گه لا، نه بايه س بيليمن وه گهر د بوخار

مه سموميان بكه ن. پاكه ته يل بچك شماريائى.

جورج: له وه پمان بى.

ئمىل: چه؟

جورج: ئه ئى؟

ئمىل: له وه ره گه دان چه بى؟

جورج: له هورم چى.

ئمىل: توه نى بپزرنى ك دوايىن ئايه مى ك بو د بتوه نى هه واسيل

كه و يا يه ئى بووفالوو واشى بونى؟

جورج: هوچکس نيه توه نئى له سهر رى بووفالو واشى بڙييهئ.

ئميل: راس دهئ. سه يهئ بووفالو ئادئ.

جورج: گرنه يان و خه نه يانه باخ واش.

ئميل: بووفالوو هگان؟

جورج: ئه رى. فره يگيان گردنه.

ئميل: گوواى ئه وه زندانه.

جورج: گومان كه م.

ئميل: خو، وه هه ر باوه ته و ره سيده سهر قسه گهئ من.

جورج: ئه رى...

ئميل: خو، منيش تواسم هه ر ئيه بوشم.

وارياسيون يانزه هم

زانی؟ وه هورم تی

جورج: زانی، وه هورم تیه ی له جییگ خواه نیمه...

ئمیل: خاییش که م.

جورج: باشه د.

ئمیل: ئازارم ده ی.

جورج: ئه ری.

ئمیل: بوه خشی.

جورج: زانم.

ئمیل: هوج پاساکردنیگ نه یری.

جورج: خاس باشه د.

ئمیل: تواسی چه بوشی؟

جورج: له باره ی تئادل سروشت.

ئمیل: ئه ی؟

جورج: له یه کی له ی وه رزشه یل پر لاینداره به ساو دیری.

ئمیل: شرپ و ورپ ئوشی.

جورج: ئرا مه ندنه.

ئمیل: چه بیه له یوا فکر بکه ی؟

جورج: دلنیا نیم.

ئمیل: برپینگ وهرزشهیل؟

جورج: نیه زانم.

ئمیل: وه هورد تی چ وهرزشینگ بی؟

جورج: من... نه، خواهشم نیه تی له یوا دریزای بیهم و ههر چشته

بارمه هور خواهم. یه کیگ له ی وهرزشهیل جام دهسه یه که بیهسه.

ئمیل: له کووره خواهنیده؟

جورج: نیه زانم. ریدر دایجست^{۲۳}...

ئمیل: ئه ی؟

جورج: هه میش ریپینگ ئرا سهره تان دینهسه و.

ئمیل: بیهمه ته خته ئرایان.

جورج: له باره ی زه مانه. میلیون له میلیون دولار ک ئیمه خه رج

تاقیکاری کهیم، سیگار...

ئمیل: ژینگه.

جورج: قه ی نه یری هه رچگیش پول خه رج ژینگه بوود.

ئمیل: ته نیا گری، گری، گری.

جورج: فره وه خته یل سروشت ده یده یه و.

ئمیل: ئه ی؟

- جورج: ھەواسیل کەو وەختی خوەرئاوا.
- ئمیل: گشتییان مردنە...
- جورج: کزەئ وای چەم...
- ئمیل: ... یا شلاخی.
- جورج: یەئ گەل ئوردەک.
- ئمیل: ھەر چی بوود ئوردە کیش مەلیگە.
- جورج: گووای چ جوور مەلیگ.
- ئمیل: کەوتریش مەلە.
- جورج: نیەود ھەلسەنگنیدەیان.
- ئمیل: جیاوازی ناوەین ئوردەک و کەوتەر چەس؟
- جورج: لە بنەو نیەود ھەلسەنگنیدەیان.
- ئمیل: بیجگە ئەو چە؟
- جورج: جیاوازیان ... لە سەر ھرمەت و ئزمەتە. باس نەکە.
- ئمیل: من دەس پێ نەکردم.
- جورج: وە ھۆچ کوورە نیەویدەو.
- ئمیل: ھا. ھا.
- جورج: قسە قەق.
- ئمیل: ئامادەم کوتای بام.
- جورج: ئاخ ئەری؟
- ئمیل: ئەری.

جورج: باشه د.

ئمیل: ... هه روهخت ئاماده بید.

جورج: ئاماده م.

ئمیل: خوو باشه د.

جورج: تو ئاماده ی؟

ئمیل: مه رج به سی، رد ریدیږ.^{۲۴}

جورج: خاس.

ئمیل: هه ی! چه ده؟ ئایه م گه ورایل له سه ر مه لینگ گه رد یه کا یه ک

دو که ن؟

جورج: تو ده سپیکردی.

ئمیل: خاییش که م باوه ته گه ئالشت نه که.

جورج: بیه دی.

ئمیل: باشه د. که م.

جورج: ئپام فه رخینگ نه یږی. داشتیم یه ی باس رووشنه قورانه کردیام

و تو یه ی جار ه کی...

ئمیل: وه ره ه ته ی یه ی چشت وه چشت تره ک هه له وگه ردنی ک

ئه و جووری نه قه.

جورج: چه وه ئورده ک نه جیم خراوتر هه س.

ئمیل: وه ئورده كه گه ئى به ساو دىرى.

جورج: كه وتر وه ئورده ك نه جيم خراوتره .

ئمیل: ئيه ئوشى چون ئورده ك واشيه و ژير بار هوق قانونىگ
نيه چوود...

جورج: هوق قانونىگ؟ هوق قانونىگ؟ هوق قانونىگ ئه ئى خوهر
و مانگ چه ! هوق قانونىگ ئه ئى قانون سروش و فه سله يل
چهس، له كووره زانن بچنه كووره و له سه ر وه خت خوهرى بانه و؟
قانون نه یرن هن ئه وه سه لف پييا كهن و تا وه ختى مردن هانه
كه رد پيا؟

ئمیل: راس ده ئى؟

جورج: هه تمه ن له ئواسه .

ئمیل: خه وهر له و چشته يله نياشتم.

جورج: ئيسه وه خوولكاريد يائى بگر.

ئمیل: گرم.

جورج: هوق قانونىگ!

ئمیل: باشه د.

جورج: يه كىگ له قانوندارترين گيانه وه ره يل زه مين.

ئمیل: بوه خشى.

جورج: زانسىاى ك فره ده و له ته يل له رق ژيان ئى گيانه وه ره يله

ده و له ت سازن؟

ئمیل: ئشش.

جورج: خايش كه م فكرد ئالشت كه .

ئمیل: ئشش ئه .

جورج: جوور فه رانسه .

ئمیل: وه تار گيانه وه ره پله و كردنه ؟

جورج: له زوه و، ئه رى .

ئمیل: له كووره ئيانه زانى ؟

جورج: له رۆ رينه مای فه رانسه .

ئمیل: باوه پ نيه كه م .

جورج: له جيبگ گرمه سه ئى، نيشاند ده مه ئى .

ئمیل: ئى كاره بكه .

جورج: كه م .

ئمیل: هه ر ئيسه نيشانم بيه .

جورج: سه ر وه سه رم نه نه .

ئمیل: نه نامه .

جورج: باشه د .

ئمیل: هكه م ن .

واریاسیون دوانزههم

هەر وهخت له باره‌ی چشته‌یل واشی ك بآله و گرن فكره و كه م

ئمیل: هەر وهخت له باره‌ی چشته‌یل واشی ك بآله و گرن فكره و
كه م، چمه ناو فكره و.

جورج: ئه‌ری؟

ئمیل: ئه‌گر، له ناو شار، له یوا ك ئیمه ...

جورج: ئه‌ری؟

ئمیل: شایه تیش ئیمه ...

جورج: ئه‌ری؟

ئمیل: بی‌خیالی.

جورج: ئورده كه‌یل.

ئمیل: ئورده كه‌یل.

جورج: ئورده كه‌یل. ئازادانه بآله و گرن.

ئمیل: ئازاد له هه‌رچی قه‌یت و به‌نه.

جورج: ده‌ریاچه‌یل، چه‌مه‌یل.

ئمیل: خه‌ته‌یل خیالی...

جورج: ئوستوا.

ئمیل: بی‌خیال... بی‌وچان...

جورج: بي تماشاى گشت كه سيگ.

ئميل: له بان زه مينه يل ده ژ.

جورج: بي ئاو، هشك.

ئميل: ولاته يل باكوورى ك كه س تائيسه وه تى نه چيه.

جورج: چوول، رقت. ناموو.

ئميل: له يره وه و ئوره ته په يگ.

جورج: سه رد.

ئميل: بي جيگ ئړا وچانداينيگ.

جورج: چ ژيانىگ.

ئميل: خه فتن وه بان بال.

جورج: له ناو توفان له جى كه نيان.

ئميل: زانى، باوهت خه نيداريگ نيبه ...

جورج: كى خه نيه؟

ئميل: توام پيد بوشم، فره تر ژيان واشى له باوهت توفان وئى

جوور چشته يليگ له به ين چوود ... وه ختى وا شه ديد بوود.

جورج: نه زانسم.

ئميل: تازه ئيه يه كيگ له هزاران خه ته ره ك هه ره شه له ئورده كه يل

كه يد .

جورج: زوقوميش.

ئميل: ته گر.

جورج: ئەى.

ئمیل: توهنى بپژرنى؟

جورج: ... تهگر...

ئمیل: وارىده ملّ سه ر ئى مه خلّووق به سه زوانا. ته نيا وه ناو

ئاسمان. قوله يلىيان ها هه واوه، نيه زانن بچنه راس يا چه پ...

جورج: هوق كوره نه يرين بچن.

ئمیل: وه هه ر لاوه ته گره. ده يده لتيان. وارىده ملّ سه رييان.

باله گانتيان كه يده رووبان. كه يده يانه خه قور له ناو ئاسمان.

جورج: قانون ژيانه.

ئمیل: ئيسه ئيه ئوشى.

جورج: برپگ بايه س بمرن تا باقى بژيه ن.

ئمیل: گوواي ئه وانيش بايه س بمرن.

جورج: سه برپگ بايه س بمرن ك ئه وانه كه ميگ فره تر بژيه ن.

مه به ستم ئيه سه.

ئمیل: و ئمجا ئه وانه مرن.

جورج: ئه لبه ت. تا ئه وه كان بتقه نن بژيه ن. ئه گه ر پى فكر بكه ي

دقنى مه نتقيه.

واریاسیون سینزه هم

زگیان پر که ن

ئمیل: زگیان پر که ن.

جورج: ئه ی؟

ئمیل: زگیان پر که ن، کوشنه یان و زگیان پر که ن.

جورج: تا وه ختی ک مردنه.

ئمیل: خاک هه ره. وه میخ کوتنه یانه قه ی دیوارا.

جورج: زگیان پر که ن و نه نه یانه ناو فپ.

ئمیل: ئه و کاریشه که ن.

جورج: ئا.

ئمیل: گوای بی ده لیل کوشنه یان ... بی هتوچ مه تلو و مه به ست و

ده لیلیگ ... شه نگ نه نه پییانه و. چ بی وه لیفه ته.

جورج: چ بیوه لیفه ته ئرا ژیان ئورده کیگ. مردن وه گوله یگ. هه تا

نیه خوه نه ی. گوله. گوله خواردنی جوور گیانه وه ره یل تره.

ئمیل: لاکه مه گه ی وه ناو هه وایا گوله خوه ن.

جورج: ئه ی؟

ئمیل: ئا. چه فکر که ی؟ وه گوله نیه توه نی به یده قولییان؟ ک

چه؟!

جورج: ئا؟

ئمیل: قانون دیری. فهسلیه. تائیسه چشتی له باره ی فهسل

ئورده کهیل نه ژنه فتیه؟

جورج: ئەلبەت.

ئمیل: خو، زانی فهسل ئورده ک وهختیگه ک تو توهنی قانونی

لئیان بکوشی.

جورج: چ وهختیگه.

ئمیل: فهسل ئورده ک؟

جورج: ئا.

ئمیل: ئی، چەن ههفته بهار... چەن ههفته ییش پایز.

جورج: ... هەر وهخت ئورده کهیل پئیا ئان بوود.

ئمیل: نه، ئیه ...

جورج: ئه ی؟

ئمیل: من...

جورج: خو...؟

ئمیل: ئه ی؟

جورج: ... ئا!

ئمیل: ته نیا وهختیگ قانونی نییه وه گوله بکوشنه ئان ک له یره

نه ون... ئه ری خو وهسلیگه.

جورج: چ که له خه ره یلنگن.

ئمیل: ئا.

جورج: کارگه‌ری... ته ناف.

ئمیل: گردن ئورده‌ك هه‌رزان نییه.

جورج: شوخی که‌ید؟

ئمیل: نه، زه‌مین توای.

جورج: زه‌مین فره‌یگ توایند.

ئمیل: لاکه‌مه‌گه‌ی یه‌ی مایل. و توای...

جورج: تفه‌نگ.

ئمیل: ته‌نیا تفه‌نگیگ.

جورج: و یه‌ی زاپاس.

ئمیل: یه‌ی بر ته‌قه‌مه‌نی ئرا تفه‌نگه‌گه.

جورج: تلسکوپ.

ئمیل: و کلأو.

جورج: یه‌ی

ئمیل: هه‌مۆشه‌ بایس نیه‌ود.

جورج: گووای خاسه‌ له‌ جییه‌یلینگ وه‌ کار تی... جانتایگ ئرا یه‌ ئی

چشته‌یله‌ بখে‌یده‌ تی.

ئمیل: چه‌کمه‌یل گه‌ورا.

جورج: رادۆنیگ.

ئمیل: نه‌هار توایند.

جورج: چشته ییل فره یگ توائد.

ئمیل: به لگه.

جورج: و ئورده که ییل فره یگ.

ئمیل: ئا، ئه پری.

جورج: ناسین ئورده ک بقچک له رزوک له دۆره و ئاسان نییه.

ئمیل: نه.

جورج: شانس فره یگ توای.

ئمیل: و مه خش.

جورج: چه نیگ وهخت توائد؟

ئمیل: وه هه ر هال هه ر روژ نیم سات وهخت به یید، مه خش کردن...

جورج: ... جیی ک پیایه ییل وه کوورپه ییل جیاوه که ن. له ی وهخته

هۆچ ری هه له وگه ردینیگ نییه. وهختی خود وه گه رد گه لای

داره گانا بشاریده و مینه ی ئورده ک وه ئاسمان که یید و قووخ

چه مه نیده و تا وهختی پشتد نیشیده ژان. وه خوه رئاوه تا شه و.

ئمیل: ئه ری.

جورج: له بان زهق سه ردا دریزه و بۆد و ته قه لا که یید جوور هۆچ

چشتی نه قود، په رپیدن. چه وه پری ئه و ئورده کیده...

ئمیل: ئورده کی ک نزم باله و گری...

جورج: ئی شانسه ده ییده پی ک خه ونی به رئاورده بکه ی. تا

وهختی...

ئمیل: ئه‌ری؟

جورج: تا وه خنتی ... له هه‌یمه‌ی دۆر. بانتر له ئاسو هه‌تا نیه‌زانی چه‌س، ده‌نگی قات قات چه‌س. ده‌نگی قات قات نزیکه‌و بوود. نزیکتر و به‌رزتر. له‌که‌یگ له‌ دۆره‌و دۆنی. له‌که‌ بووده خالیگ؛ خالیگه‌وراته‌و بوود. یه‌ی خالیگه‌ورا. نخته‌یگه، نخته‌گه‌گه‌وراته‌و بوود، قیژنی و قیژه‌ی به‌رزتر و ته‌میستر و خاستر تیده‌گوشا. توه‌نی بناسیده‌ی. ته‌کان خواردنی دۆنی. له‌ یه‌ی خه‌ت راس باله‌و گری تا بچووده لای ره‌فیه‌یلی. خووف. گوم کردنی. خه‌ته‌ر. واشیانه: ئورده‌کیگ... و ئه‌وه‌سه‌هات. ئارام هه‌لسید. ئه‌وه‌ل یه‌ی قولد... ئیجار ئه‌واکه. تفه‌نگه‌گه‌د هیژ ده‌ی، نه‌یده‌ی بان شان و نیشانه‌گری. ته‌نیا تنید و ئه‌و. تو و ئورده‌ک له‌ ناو زیقاو. ئه‌وه‌ تواید بچوود ئرای مال و تو تواید بکوشیده‌ی. سه‌ته‌قنیده‌پیا. یه‌ی جارتر. دوجاره. دوجاره. گوشه‌یلد زرنگن. چه‌وه‌یلد نیه‌قونن. نیه‌توه‌نی بونی. له‌رزی و دانیشی. دلد تن تن کوتی...

ئمیل: ئورده‌که‌گه‌ چه‌ وه‌ سه‌ری هات؟

جورج: ... ئارام. ئارام خوه‌د ده‌یده‌زه‌قا. ره‌زم ره‌زم به‌ده‌ند قژ قژ که‌ن...

ئمیل: ئورده‌که‌گه‌ چه‌ وه‌ سه‌ری هات؟

جورج: ... وه‌ گشتی سه‌نگینی گیاند. شانیه‌یلد وه‌ زه‌ریه‌گه‌ نیشتییه‌سه‌ ژان و ...

ٺمیل: ٺورده که گه چه وه سه ری هات؟

جورج: مردیّه.

ٺمیل: دقر له زیقاو.

جورج: دقر له زیقاو.

ٺمیل: ئاخ نه.

جورج: وه ناو یه یی چه په په خونین. پر له شه نگ. بیده نگ،

چمانیگ هر ده نگ نیاشتییه. مرئی.

ٺمیل: دقاین مه سک زیان.

جورج: مرئی.

ٺمیل: زهق و ئاسمان هیلیده جی.

جورج: مرئی.

ٺمیل: وه بان زهقا دریزه و بییه.

جورج: مرئی.

ٺمیل: په له پرتی که ید.

جورج: مرئی.

ٺمیل: هنه هن که ی.

جورج: مرئی.

ٺمیل: ...

جورج: فکره و که ی.

ٺمیل: مرئی.

جورج: مری. مری..

ئمیل: نه بووسیہ! ئه وه سه! ئرا دوایین جار هازی گرده و که ید.

جورج: نه.

ئمیل: شایه ده وه دور خوه یه و خپ بخوه ی و دوجاره بتوانید...

جورج: نه.

ئمیل: بچوده ئاسمان؟

جورج: نه.

ئمیل: ئرا دوایین جار...

جورج: نه.

ئمیل: باله و بگری ئرا...

جورج: نه.

ئمیل: یه ی که م...

جورج: نه.

ئمیل: مردی، مه گه نه؟

جورج سهر ته کان ده ی.

ئمیل: خوه م زانسم.

جورج: قانون ژیا نه.

واریاسیون چواردەم چەن سەدە وەرجه ئیسە

ئەمیل: زانی چەن سەدە وەرجه ئیسە ئایەمەیل نوورسەنەسە
مەلەیلەو.

جورج: مەن ھێمان ئی کارە کەم.

ئەمیل: کە راز بەلەو گرتنییان بزەنم.

جورج: کەشکا ھەرنەزانسیام.

ئەمیل: ئا.

جورج: وەرگەرد بەلەو چەن ژۆر خاک.

ئەمیل: یوونانیەیل قەدیم ھووکارە بۆن تەمام روژ بنیشتن و بنوورپنە
مەلەگان.

جورج: ئەی؟

ئەمیل: ئەری. سەندەللیگ بردنە و لە بانئ دانیشتنە و تماشایان

کردنە. گەشتئ روژ تەنیا نیشتنە

تماشایان کردنە و فکەرەو کردنە.

جورج: مەنیش فکەر کەم. شارستانیەت لە کیس چئ و لە ناو پارک

دانیشتنە و نوورسەنەسە مەلەگانەو.

ئەمیل: ئیانە کە ئۆشم یوونانیەیل باستان بینە. پیر. پیاپەیل پیر.

کار که فته .

هوج وه ليفه تيگ ئړا ده وله تييان نياشته .

ته نيا هه ر روژ نووړسسه سه مه له گانه و .

وه روژئاواوه تا روژه لات .

وه روژئاواوه : چن و نووړنه مه له گانه و .

وه روژه لات و : تماشا مه له گان نيه که ن چنه و ئړا مال .

پروسنه که يل . هه لقوه يل .

پيشکسوه ته يل مه له يل مودرن ئيمه .

و پيشه نگ ولاته يل مودرن ئيمه .

يوونانيه يل . مه له يل .

هوکاره بون ته مام روژ بنيشنه بان نيمکه تيگ و

خوارده مه ني بيّه نه پييان ...

که ميگ ... بيّه نه پييان

جورج : ... برنج ؟

ئميل : برنج . تاريخ له يّ باوه ته و هوج چشت رووشنيگ نه وه تيّه .

توه نيم فکر بکه يم برنج بييه . ته نيا له يّ باوه ته ک باسه گه مان

بچوده نووا . مه له يل شکاری پرچ پاک قورپدار .

جورج : و پيايه يل پير چاخوگ .

ئميل : تماشا يه ک که ن .

هه ر کامييان چشتيگ ئړا وه تن ديړن .

ك شايه د جه هان خړ بخوهد و روژى ترهك باى.
يهى ئه نجام خاس.
ئرا گيانه وهره يل نه جيم ئاسمان.
و فره له يوونانيه يل.

Nasnamey pirtûk

- ▣ Naw pirtûk: waryasîyun urdek
- ▣ Nûser: deyvîd memt
- ▣ Wergêran: nesrîn babaxanî
- ▣ Wêraşter: s. cihanferd "jiyar"
- ▣ Çapemenî: enistîttu şefeq,we şêwey ilktirunîkî
- ▣ Nawnîşan weşandin: www.shafagh.com

Waryasiyun urdek

Şanname

Nüser: deyvîd memt

Wergêran: Nesrîn babaxanî